

ԲԱՆԱՍՏԵՂԾԱԿԱՆ

ՏԱՂ Ի ԾՆՈՒՆԴ ՓՐԿԶԻՆ

Թագրդ պարծանաց, քազաւոր փառաց, քափեալ ի փառաց.
 Ի կուսէն մաքրած, ժառանգրդ կենաց, ծընար միացած.
 Աստուած մարդացած, մարդդ աստուածացած, անփակ մընացած.
 Աննըմանդ յէաց, բանրդ սերմանած, յընտրեալն ի բիւրաց.
 Մարմին ըզգեցած, ի մարտ ծընած, եւ կոյս մընացած.
 Ելեր հասկ կենաց, հաց մեր փրկանաց, եւ չուր ծարաւաց.
 Քեզ փառս ի բարձանց, երգով հրեշտակաց, ձայնիւ սրբասաց.
 Երգակցեալ հովուաց, երկնաւոր զաւրաց, անմարմնականաց.
 Պատուեալդ ի մոգաց, զրմուած եւ պատած, զման քո գուշակած.
 Սրբէք սրբասաց, շուրջ ըզբեւ պատած, բանդ ի մտուր եղած.
 Ի բարձունս բազմած, յաքոռն փառաց, քառադէմ կառաց.
 Ի մարտ գրգւած, շրթամբ համբուրած, եւ ստեամբ դիեցած:
 Աւհնեալդ ի բազմաց, փառաց հաւր անանց, յերկնային զաւրաց.
 Ընկալ զերգըս բանական,
 Բարեխաւսութեամբ կուսին ըղձական:

Անհարսն ի յերկրի, հարսնացեալ երկնի, Աստուծոյն բանի.
 Անփորձ ի մարմնի, անբիծ աղանի, մաքուր տաճարի.
 Մաւր քո ըղձալի, անհարս կուսի, մաքուր ծընաւորի.
 Քոյին սնուցողի, Տէր քաղցր եւ բարի, միածին որդի.
 Քեզ հանոյացի, զըզուանքն ի գրդի, իննամսեայ կրողի.
 Կոյս քո ծընողի, կաթամբ սնուցողի եւ խնամ սանողի.
 Բազկաւ բարձաւորի, բանիւ զըզուողի եւ համբուրողի.
 Աւհնելոյն յերկրի, սուրբ եկեղեցի, որ միշտ պաղաւտի.
 Եւ բարեխաւսի վասն ամենայնի.

Որում կըցորդի հոյլ հոգեղինի զաւրացն անմահի.
 Եւ որք յաշխարհի յայսմ յաւիտենի են քեզ հանելի.
 Չայնրն քոյդ բանի, պըսակըն նախնի, հայր Հայաստանի,
 Առաքեալք ազգի, մարգարէք տոմարի սանն իսրայէլի,
 Քեզ աղերս լիցի, արարիչ բանի, Տէրդ ամենայնի,
 Ողորմեա: